

修訂日期: 2009/04/23 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 32, No. 1678

原始資料: 蕭鎮國大德提供, 維習安大德提供之高麗藏 CD 經文, 日本 SAT 組織提供, 北美某大德提供

No. 1678

佛三身讚(西土賢聖撰)

西天譯經三藏朝散大夫試光祿卿明教大師臣法賢奉 詔譯

法身

我今稽首法身佛	無喻難思普遍智
充滿法界無罣礙	湛然寂靜無等等
非有非無性真實	亦非多少離數量
平等無相若虛空	福利自他亦如是

報身

我今稽首報身佛	湛然安住大牟尼
哀愍化度菩薩眾	處會如日而普照
三祇積集諸功德	始能圓滿寂靜道
以大音聲談妙法	普令獲得平等果

化身

我今稽首化身佛	菩提樹下成正覺
或起變現或寂靜	或復往化於十方
或轉法輪於鹿苑	或現大光如火聚
三塗苦報悉能除	三界無比大牟尼

迴向

如是佛身無漏智	我常信解淨三業
以無量慧大福行	一心垂愍諸群生
以今頌讚三身佛	所獲無漏功德種
願我速證佛菩提	盡引眾生歸正道

佛三身讚